

**BERGARAKO UDALA ETA ANGIOZARKO ESKOLAKO IKASLEEN GURASO
ELKARTEAREN ARTEKO HITZARMENA**

Bergaran, 2023ko irailaren 27an

BILDU DIRA

Alde batetik, Ainhoa Lete Zabaleta andrea, Bergarako behin-behineko Alkatea, Bergarako Udalaren ordezkartzan, Maria Concepción Ugalde Iceta udaleko idazkariaren laguntzarekin.

Bestetik, 44172301L NAN duen Lierni Ugarte Larrañaga andrea, *Arbiaska* Angiozar LHI eskolako ikasleen guraso elkarteko lehendakaria, elkartearen ordezkartzan.

Azken honek zinpean Alkatearen aurrean aitortu ondoren berak eta berak ordezkatzan duen elkarte ez daudela 38/2003 Legeko 13.artikuluko 2 eta 3 idatz zatietan aurreikusitako debeku kasuetan, diru-laguntzak jasotzeko, elkarri hitzarmen hau sinatzeko ahalmena aitortu eta

ADIERAZI DUTE

- 
1. Guraso Elkarte irabazteko asmorik gabeko elkarte dela.
 2. *Angiozarrentzako eskola zabalik izatea ezinbestekoa dela, eta eskola zabalik egoteko bertako zerbitzuak hobetu beharra dagoela. Gauzak horrela, elkarteak goizetako zaintza zerbitzua ematea erabaki duela eta horretarako diru-laguntza eskatu diola Udalari.
 3. Udalak 2023ko irailaren 25ko Udalbatzaren bileran erabaki duela diru-laguntza ematea eta bi aldeen betebeharrak hitzarmen batean jasotzea.

Hori dela eta, ondorengo klausulak dituen hitzarmena hitzartu dute

KLAUSULAK

LEHENENGOA: *Arbiaska* Angiozar LHI eskolako ikasleen guraso elkarteak Angiozarko eskolan goizetako zaintza zerbitzua antolatu eta kudeatzeko konpromisoa hartzen du 2023/2024, 2024/2025 eta 2025/2026 ikasturteetan. Zerbitzu hori Angiozarko ikastetxean eskolaratutako haurrentzako izango da.

Zaintza zerbitzua goizean emango da eskolako lanegun guztietan astelehenetik ostiralera. Horretarako Guraso Elkarteak beharrezkoak diren arduradunak kontratatuko ditu. Kontratatutako pertsona honen/hauen erantzukizuna *Arbiaska* Angiozar LHI eskolako ikasleen guraso Elkartearena izango da.



BIGARRENA: *Arbiaska* Angiozar LHI eskolako ikasleen guraso elkarteak ondorengoak ere betetzeko konpromisoa hartzen du:

1. 2024/2025 ikasturteetik aurrera, ikasturtearen hasierako urteko urriaren 31 baino lehen, Udaleko Erregistro Orokorrean, ondorengo dokumentazioa aurkeztea:

- Zaintza zerbitzurako diru-laguntza eskaera sinatuta eta adierazita, besteak beste, eskatzen den diru-laguntza, elkartearen datu fiskalak, sinatzailearen datu fiskalak eta ordainketarako erabiliko den kontu korrante zenbakia.

- Ikasturteko zaintza zerbitzuaren aurrekontua.

2. Ikasturtea bukatutakoan, irailaren 30a baino lehen, zaintza zerbitzuaren memoria ekonomikoa aurkeztea; zehazki ondorengoak aurkeztuko ditu:

- Zaintza zerbitzuak ikasturtean izandako diru sarrera eta gastuen zerrenda.

- Udalak emandako diru-laguntzaren zenbatekoa justifikatzeko fakturen kopiak.

- Eskatu eta jasotako diru-laguntzen agiriak eta jaso ez bada zinpeko aitortpena.

3. Ekintzaren gaineko zabalkunde-oharretan Bergarako Udalaren laguntza jaso izana adieraztea.

4. Bergarako Udalaren aurrean ziurtatzea baldintza guztiak betetzen direla, hala nola, diru-laguntza jasotzen duen zerbitzuaren jarduera eta helburua betetzen direla.

5. Udalak egingo dituen ikuskapenak ez oztopatzea.

6. Bergarako Udala jakinaren gainean jartzea baldin eta Udalak diruz laguntzen duen jarduerarentzat beste diru-laguntzarik lortuz gero.

7. Gutxienez lau urtez gordetzea jasotako diruari eman zaion erabilera agertzen duten agiri originalak.

HIRUGARRENA: Bergarako Udalak zerbitzu hori emateko 2023/24 ikasturterako 1.367 €-ko diru-laguntza emango dio *Arbiaska* Angiozar LHI eskolako ikasleen guraso elkarteari; ondorengo ikasturtean berriz, hau da 2024/2025 eta 2025/2026 ikasturteetan, diru-laguntza izango da gastuen %25aren parekoa eta gehienez 1.367€.

LAUGARRENA: Ordainketa bigarren klausulako 2. puntuan jasotako dokumentazioa aurkeztu, eta elkarte betebeharrak fiskaletan eta Gizarte Segurantzakoetan egunean dagoela egiaztatu ondoren (udalak egiaztatuko du, baldin eta elkarte udalak kontsulta hori egitearen aurka azaltzen ez bada. Aurka egonez gero arrazoiak azaldu beharko dira – Europako 16/679 Zuzentarauaren 21. artikuluari jarraituz eta agiriak elkarteak aurkeztu beharko ditu), alkatearen dekretuz ordainketa egitea erabaki ondoren ordainduko da.

BOSGARRENA: Udalak emango duen diru-laguntzaz gain helburu bera duen beste edozein diru-laguntza ere jaso daiteke.

Hala eta guztiz ere, diru-laguntzak (Udalarenak berak edo beste batzuenak batuta) eta/edo bestelako sarrerak batuta ezingo du inola ere altuagoa izan diruz laguntzen den jardueraren kostua baino.

SEIGARRENA: Diru-laguntza emateko kontuan hartu diren baldintzetakoren bat aldatuko balitz, edo Udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.



ZAZPIGARRENA: Diru-laguntza berrikusi egingo da eta, egoki bada, kendu, baldin eta hauetakoren bat gertatzen bada:

- a) Diru-laguntza bete beharreko baldintzak bete gabe jasotzea.
- b) Diru-laguntza erabiltzea lortu beharreko helburua ez den beste helburu baterako.

Edozein arrazoirengatik, diru-laguntza (osoa edo zati bat) itzuli beharra balego, diru kopuru hori zuzenbide publikoko sarreratzat hartuko da.

ZORTZIGARRENA: Hitzarmen honetan aurreikusita ez dagoen guztian, diru-laguntzak arautzen dituen 38/2003 Estatuko Legea, azaroaren 17koa eta lege hori garatzen duen 887/2006 Errege Dekretua, uztailaren 21ekoa, aplikatuko dira. Baita Bergarako Udaleko Diru-laguntzen Ordenantza orokorra eta Bergarako Udalaren udal aurrekontuaren arauak eta gai honen inguruan indarrean dagoen gainontzeko legedia ere.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, goian aipatutako toki eta egunean bi aldeek hirukoiztuta sinatzen dute.

Bergarako behin-behineko Alkatea



Ainhoa Lete Zabaleta

**Arbiaska Angiozar LHI eskolako
ikasleen guraso elkarteko lehendakaria**

Lierni Ugarte Larrañaga



